

SAKSFRAMLEGG

Sakshandsamar: John Olaf Røhme
Arkivsaksnr.: 16/2714

Arkiv: H3

**Forskrift om tildeling av langtidsopphald i sjukeheim eller tilsvarende bustad
særskild tilrettelagd for heildøgns tenester – kriterium og venteliste. Høyring**

Rådmannen si tilråding:

Formannskapet legg framlegg til *Forskrift om tildeling av langtidsopphald i sjukeheim eller tilsvarende bustad særskild tilrettelagd for heildøgns tenester – kriterium og venteliste* ut på høyring med høyringsfrist 19. mai 2016.

Saksutgreiing

Prenta vedlegg:

- Framlegg til *Forskrift om tildeling av langtidsopphald i sjukeheim eller i tilsvarende bustad særskilt tilrettelagt for heildøgns tenester – kriterium og venteliste*

Uprenta vedlegg:

- [Proposisjon til Stortinget 99 L \(2015-2016\)](#) og [Innstilling 372 L \(2015 – 2016\)](#).
- Skriv av 24.6.2016 frå Helse- og omsorgsdepartementet: [Lovendring om rett til opphold i sykehjem eller tilsvarende bolig særskilt tilrettelagt for heildøgns tjenester – kriterier og venteliste.](#)

Samandrag:

Stortinget har vedteke lovendringar der føremålet er å tydeleggjere retten til langtidsopphald i sjukeheim eller tilsvarende bustad særskilt tilrettelagt for heildøgns tenester. I lovendringane ligg at kvar kommune får ei plikt til å utarbeide kommunal forskrift med kriterium for tildeling av slike plassar samt utarbeiding og bruk av venteliste . Regjeringa vil innføre nasjonale kriterium for slike tildelingar etter at det er gjort erfaringar med dei kommunale forskriftene.

Det er med grunnlag lovendringane utarbeidd framlegg til *Forskrift om tildeling av langtidsopphald i sjukeheim eller tilsvarende bustad særskilt tilrettelagt for heildøgns tenester – kriterium og venteliste*. I tråd med krav i forvaltningslova vert framlegget sendt på høyring før formell slutthandsaming i formannskap og kommunestyret.

Utval som har vedtaksmynne: Kommunestyret

Fakta:

Den 13.6.2016 vedtok Stortinget lovendringar i pasient- og brukerrettighetsloven og helse- og omsorgstjenesteloven. Føremålet med lovendringane er å tydeleggjere retten til langtidsopphald i sjukeheim eller tilsvarende bustad særskilt tilrettelagt for heildøgns tenester. Lovendringa gjeld frå 1.7.2016.

Retten er presisert i pasient- og brukerrettighetsloven § 2-1e første ledd. Av lova går det fram at dersom ei helse og omsorgsfagleg vurdering tilseier at det einaste kommunale tilbodet som kan sikre pasient/brukar nødvendige og forsvarlege helse- og omsorgstenester er i sjukeheim eller tilsvarende bustad, er dette ein rett pasient/brukar har. Kommunen si plikt til å tilby slike tenester er skildra i helse- og omsorgstjenesteloven § 3-2a.

Den nye § 3-2a andre ledd i helse- og omsorgstjenesteloven gjev kvar kommune plikt til å utarbeide communal forskrift med kriterium for tildeling av langtidsopphald i sjukeheim eller tilsvarende bustad. Forskrifta skal omfatte pasientar/brukarar som vil vere best tente med langtidsopphald i sjukeheim eller i tilsvarende bustad særskilt tilrettelagt for heildøgns tenester, men også der kommunen vurderer at vedkommande sine behov kan dekkast med forsvarleg tenester i heimen medan dei ventar på langtidsopphald.

Pasient/brukarar som med forsvarleg hjelp kan bu heime medan dei ventar på plass, har rett til vedtak. Vedtaket inneber at han/ho er kvalifisert for langtidopphald i sjukeheim eller tilsvarende bustad, og skal stå på venteliste. Ny § 3-2a 4. ledd i helse- og omsorgstjenesteloven pliktar kommunen å føre venteliste over pasientar/brukarar som venter på langtidsopphald i sjukeheim eller tilsvarende bustad særskilt tilrettelagt for heildøgns tenester.

Regjeringa vil innføre nasjonale kriterium for tildeling av langtidsplass i sjukeheim eller tilsvarende etter at det er gjort erfaringar med dei kommunale kriteria og evaluering av forsøka med statleg finansiering av omsorgstenester. Dei nasjonale kriteria er heimla i helse- og omsorgstjenesteloven § 3-2a 3. ledd.

Helse- og omsorgsdepartementet har som mål å få sett i kraft dei resterande lovendringane knytt til kommunale kriterium og venteliste frå 1.7.2017. Dette inneber at dei kommunale forskriftene må vere vedtekne slik at dei kan tre i kraft frå 1.7.2017.

Når kommunen utarbeider forskrifter, gjeld reglane i forvaltningslova om utgreiingsplikt, varslingsplikt og høyring. Høyringsuttalane skal vere skriftlege.

Vurdering:

Framlegget til forskrift for Luster kommune oppfyller etter rådmannen si vurdering lovendringane vedtekne i Stortinget 13. juni 2016 om rett til opphold i sjukeheim eller tilsvarende bustad særskilt tilrettelagt for heildøgns tenester – kriterium og ventelister.

Den 21.4.2016 (sak 28/16) vedtok kommunestyret ny samansetjing av tenestetilbodet i omsorgstenesta Luster kommune. I vedtaket vart langtidsplassane i sjukeheim lagt til Luster omsorgssenter og det vart vedteke etablering av omsorgsplassar med heildøgns tenester ved Gaupne og Hafslo omsorgssenter.

Forskrifta gjeld langtidsopphald i sjukeheim og tilsvarende bustad særskild tilrettelagt for heildøgns tenester. Det er i framlegg til forskrift lagt til grunn at langtidsopphald i sjukeheim gjeld opphold/plass ved Luster omsorgssenter. Med grunnlag i intensjonane i lovendringane er det vidare lagt til grunn at omsorgsplassane ved Gaupne og Hafslo omsorgssenter kjem inn under «..tilsvarende bustad særskild tilrettelagt for heildøgns tenester».

Omgrepet «venteliste» er nytt og dette vert definert i forskrifta. Det er viktig å presisere at ventelista er ikkje eit kø-system, og plass på ventelista gjev ikkje fortrinnsrett til ledig plass. Ved tildeling av langtidsopphald i sjukeheim eller omsorgsplass med heildøgns tenester, skal kommunen vurdere behovet til nye søkerar og alle som står på ventelista. Ventelista gjev slik sett ingen fortrinnsrett til plass, og seinare plasserte pasientar/brukarar kan få plass først dersom deira behov vert vurdert som større.

Regjeringa vil på eit seinare tidspunkt innføre nasjonale føringar og kriterium for slike rettar og tildelingar, og dei nasjonale føringane vil gå føre dei lokale. Inntil nasjonale føringar er på plass er kommunane plikta til å utarbeide communal forskrift.

Før forskrifta går til endeleg handsaming, skal den leggast ut på offentleg høyring. Det vert lagt opp til at aktuelle kommunale råd og utval uttaler seg i saka som ein del av høyringa.

Etter høyringa vil saka bli lagt fram for formell handsaming i formannskap og kommunestyret. Rådmannen tilrår at høyringsfristen vert sett til 19. mai 2017.

Dato: 07.04.2017

Jarle Skartun
rådmann

John Olaf Røhme
Kommunalsjef/ass. rådmann

Særutskrift skal sendast:
m/kopi til: